
RAGAD ADVERTENTIE:

Kabar premii: 1 — 30 temboeng f 1.—
Langkoengipoen, saben 10 temboeng oetawi kirang: f 0,50.

Advertentie limrah: f 0,15 sagaris:
(apes: f 1,25).

Moendoet kapatjak langkoeng saking sapisan, oetawi moendoet dados lengganan, tepang rembag roemijin kalijan administrasi.

Hoofdredacteur:

B. SOEMARNA

Kabantoe

REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN

SWARA TAMA

1 taoen	f 6,—	} njoewoen kabajar roemijin.
1/2 "	f 3,—	
3 woelan	f 1,50	

Adrèsipoen Redactie lan Administratie

IGNATIUS-COLLEGE

DJOKJAKARTA.

Drukkerij „Canisius” Djokja.

ISIN IPOEN:

Koendjoek Rama L. van Rijckvorsel S. J. — Immigratie lan Emigratie — Arbeidsduur — Gesang rerajatan lan djagad social — nDéjan nèh — Tanggap sabda — Moegi kagaliha — Boten leres — Ontjèn sekar gambir melati — Oerap - sari — Correspondentie.

KONDJOEK RAMA L. VAN RIJCKEVORSEL S. J.

Sapinten tjoewaning panggalih dalem, déné ngantos boten saged andjenengi parepatan warga P. K. W. mbéndjing tanggal 16 Maart ngadjeng poenika, déning kaselak kedah kondoer perlop dateng nagari Walandi perloe amemoelih ka-soegenganing salira dalem. Angèstokaken dawoehing Pangang, dinten Rebo tanggal 12 Maart Pandjenengan dalem kedah sampoen mantjal saking palaboehan Tandjoeng Priok. Sanadyan ingadjeng P. K. W. sampoen mangertos, bilih ing dinten tapoejing parepatan Pandjenengan dalem kepeksa amasrahaken pakarjan dalem ngasta Parampara, ananging djengkar dalem ingkang kalajan dadakan waoe saèstoe adamel wewahing wijoganing manah. Kados badé nama moerang saking tata soesila jèn ta P.K.W. anjoewoena sandéning dawoeh, mila wontenipoen namoeng moepoes soeménde ing karsa.

Ramal Angèngeti lelabetan dalem wiwit kalanipoen P. K. W. lair ngantos doemoegining titi mangsa ngantjik diwasa, angèngeti oegi anggèn dalem ngoerbanaken salira moerih bagja joewananing Swara-Tama saha jejasan sanès-sanèsipoen, raosing manahipoen P. K. W. bebasan kebak loebèr, boten saged ngampet baloedaging panarimah ingkang tanpa oepami. O, noewoen, noewoen, sèwoe sembah noewoen dateng sih kadarman dalem waoe! Boten amoeng moegi-moegi ing sadaja karkat saha tradjangipoen P. K. W. ing saladjengipoen tansah angeplekana idam-idaman dalem, sageda mikan-toeki dateng bangsa toewin tanah woetah rah kita.

Ing woesana kanti toeloes iklassing manah angatoeraken pambagja soegeng tindak dalem dateng nagari Walandi, boten sepi ing pangadjab toemoentena pinaringan barkating Pangéran waloeja kados ing wingi oeni.

Ambarawa 2 Maart 1930.

P. K. W.

PRADJA RAHAJOE.

IMMIGRATIE LAN EMIGRATIE.

Immigratie inggih poenika lebe-tipoen bangsa ngamantja ing tanah Djawi ngriki. Emigratie késahipoen tijang Djawi dateng tanah sabrang.

Saweg taoen ingkang kapengker ingkang loemebet tanah Djawi wonten Walandi 4900, bangsa Éropah sanèsipoen 950, Tjina 9900, Djepang 211, Arab lan sanèsipoen 1200 kepara langkoeng.

Tjatjahing Tjina ing taoen 1929 soeda 500 katimbang ing taoen 1928. Katimbang roemijin-roemijin tjatjahing Tjina sepoeh ingkang oemoer 60 lan 70 langkoeng katah, mratjhanani, bilih ing tanah Tjinan ngriki

bab pangoepadjiwa ngrekaos. Tjatjahing goeroe oegi mindak. Angeripoen boten mbekta winih komunisme kémawon, taksih loemajan!

Tjina katah sami miriki poenika margi djoeragan Tjina ing ngriki sami betah berah Tjina.

Manoet angger-angger, boten kènging loemebet ing tanah Djawi, jèn boten gadah jatra samanten-samanten kanggé pawitan gesang wonten ing tanah ngriki.

Kadjawi poenika wonten sabab sanès ingkang ndjalari tetijang ingkang badé mlebet tanah Djawi, sami katoelak; poenika katindakaken toemrap Wlandi 11, bangsa Éropah sanèsipoen 17, Tjina 217, Arab lan bangsa sanèsipoen 14. Wonten bangsa Éropah 4 lan Tjina 1 katoelak, margi mindak damel daheroe wonten ing ngriki.

Para maos sami ngertos bilih saben taoen tansah wonten immigratie kémawon. Tijang ngamantja ingkang ngrekaos panggesanganipoen wonten tanahipoen pijambak, gadah pangadjeng-adjeng wonten ngriki saged tjekap oetawi soegih.

Kosok-wangsoel, tijang Djawi ingkang wonten ngriki ngrekaos gesangipoen, gadah pangadjeng-adjeng wonten ing Soematra oetawi Bornéo saged tjekap lan soegih. Emigratie inggih katah. Saking Ngajodja, Poerwardja lan Kitaardja kémawon saweg wekasaning, taoen kepengker wonten koeli kontrak djalar 3948, koeli kontrak èstri 169, tijang èstri ingkang boten dados koeli kontrak, namoeng toemoet sémahipoen wonten 871, laré wonten 1230. Poenika émigratie saking kadjengipoen pijambak toer saweg 3 kita. Emigratie sarana dipoenapoési wèrek temtoenipoen taksih katah.

Dados tjetanipoen makaten soer-soeran: tijang ngamantja mlebet, tijang Djawi medal. Manawi medalipoen waoe saking kadjengipoen pijambak, boten dados poenapa. Limrahipoen ingkang sami medal saking tanah Djawi poenika sampoen brobok ing ngatasing sandang tedanipoen. Badé andjenggelèk sampoen boten saged. Sinten ingkang saged mitoeloengi, soepados taksih wonten ing ngriki, nanging dados gagah? Boten wonten. Wontena, bokmanawi taksih dèrèng saged andjenggelèk, amargi keken-delanipoen kantoen sadedik. Keken-delan sakedik poenika sapoenika kanggé pawitan wonten ing tanah sabrang. Jèn wonten ngrika saged langkoeng tentrem gesangipoen, poenapaa badé mrika teka dipoen-alangi-alangi?

Bokmanawi wonten bangsa nasionalist totok ingkang moengel: „Ora, befiké Tjina barang koewi dilarangi mleboe.” Ah boten soesah dipoenawisi, temtoe boten badé loemebet, samangsa ing ngriki boten gampil anggènipoen pados teda. Déné anggènipoen gampil waoe, amargi tijang Djawi pijambak ingkang anggampilaken sarana poeroen njamboet, mindring lsp. Anggeripoen watak remen njamboet, watak boten poeroen njèlengi, watak aras-arasen damel kooperatie lsp. boten dipoen-tjali, tijang Djawi taksih ambetahaken bangsa Tjina. Jèn makaten poenika immigratie kalijan emigratie ladjeng tansah wonten kémawon.

poen P. D.

BAB: ARBEIDSDUUR.

I. Kadjengipoen temboeng: arbeidsduur.

„Arbeidsduur” (dangoening tijang njamboet damel) ing ngriki tegesipoen: dangoening tijang njamboet damel, kapétang tjatjahing djam saben ing sadintenipoen. Oetawi tjatjahing djam tijang njamboet damel saben ing saminggoenipoen kapara nenem. Dados boten kapétang saben ing sataoen oetawi ing sawoelanipoen.

II. Bab: maximum - arbeidsduur.

Ing sadéngaha golongan ratjakipoen sami ngrembag sanget dateng

prekawis poenika, sami mboedidaja amrih adilipoen. Maatschappij (kempaling tijang-tijang) temtoe welas soemerep berah ingkang rekaos njamboet damel langkah saking samestiniipoen. Mekaten oegi temtoe boten ngilani manawi soemerep patroon (werkgever) ingkang meres sanget-sanget dateng berahipoen. Makaten poenika sampoen doemoe-noeng wonten ing raos kaadilan, lan mergi dajaning naastenliefde (katesnan dateng sesami).

„Maximum-arbeidsduur” poenika satoenggil-toenggiling panggénan boten temtoe sami. Kados déné ing Nederland ngwontenaken pranatan: toemrap laré (sangandapipoen 16 taoen) lan tijang èstri boten kènging langkoeng saking 11 djam saben ing 24 djamipoen (per etmaal).

Ing pradja sanès dèrèng temtoe menawi 11 djam. Mekaten poenika dipoenwastani „Wettelijk maximum.” Wettelijk maximum poenika boten preloe dipoenetjakaken trep, mergi tijang nemtokaken maximum poenika kedah mawang prekawis warni-warni, oepami: dateng ingkang njamboet damel, dateng pedamelanipoen, tebihing papan padamelan saking grijaning berah enz.

Rèhning saben-saben kedah mawang prekawis warni-warni mila ing riki namoeng njebat ingkang dipoenwastani: „etisch maximum” tegesipoen: maximum ingkang mawi mawang prekawis warni-warni waoe lan langkoeng-langkoeng nglinggihi kaadilan lan kabetamèn. Inggih „etisch maximum” ingkang manoet ethica (zedekunde) ingkang dipoen-kadjengaken ing riki.

III. Antjer-antjer (maatstaf) maximum-arbeidsduur.

Saben tijang poenika koewadjaban njamboet damel, margi:

1e. Poenika sampoen dados kersaning Pangéran. Lan malih saben tijang kedah ndjagi dateng lestan-toening gesangipoen, sarana neda ingkang angsalipoen saking njamboet damel.

2e. Saben tijang, poenika dados (tjalon) pangagenging brajat (huisvader), ingkang kedah madosaken teda anak sémahipoen.

3e. Gesang kita sadaja poenika woedjoed: maatschappij, ingkang gesangipoen kedah toeloeng-tinoeloeng. Saben tijang poenika dados péranganing maatschappij, dados kedah toeloeng dateng maatschappij (tijang kantijanipoen gesang), asarana wohing pedamelanipoen.

Manoet golongan sepisan, tijang Katholik boten namoeng dinten Ngahad kémawon anggènipoen ngingtalaken Katholikipoen, nanging dinten limrah, inggih sampoen saged ngingtalaken pangabektinipoen dateng Pangéran, asarana njamboet damel.

Badé kasambet.

J. I. N.

:- LARASATI. :-

GESANG RERAJATAN LAN DJAGAD SOCIAL.

Wewenang lan wadjibing bendara dateng abdi.

Tijang ing donja poenika gesangipoen (timbanganipoen) boten sami; wonten ingkang katimbangan dados tijang mratapa, wonten ingkang dados Imam lan ingkang sapérangan ageng sanget katimbangan gesang salimrahipoen, manoet pangandika Dalem Goesti Allah dateng Iboe Kawa lan bapa Adam: pada bebrana. Kadjawi ingkang makaten poenika ing djamani ramé ngriki inggih wonten ingkang tjekap, wonten ingkang boten. Makaten poenika kedah wonten, malah kedah dipoenwastani djanggalan ingkang nomer sa-toenggal, soepados gesang sesarengan saged toemindak.

Kodratipoen tijang poenika sami kémawon, ananging béda-béda watek toewin dasaripoen (kesagedanipoen); pramila inggih ladjeng ngwontenaken oenda-oesoeking dradjat (pangkat); wonten pangageng lan sor-

soran, wonten bendara lan abdi. Sanadjan makaten gesang sesarengan badé saé toemindakipoen, manawi sadaja warga mangertos lan nindakaken poenapa kawadjabanipoen. Sapoenika doemoegi ingkang badé koela atoeraken.

Abdi poenika poenapanipoen bendara? Tegesipoen: kados-poendi panganggepipoen bendara dateng abdinipoen?

1. Abdi kedah dipoenanggep kados tijang berah, ingkang njamboet damel kanggé sawatawis wedal nganggé épahani; mila bendara jèn badé adil, kedah njोकani blandja abdinipoen ingkang dados mestinipoen, manoet pradjangdjian; anggènipoen mblandja kedah netepi angger adil. Oepami wonten tijang margi saking kapeksanipoen, djalaran boten wonten ingkang dipoen-teda, ladjeng dados abdi (batoer) nanging dipoenblandja sakedik, bendara waoe boten netepi leres, kirang adil, saminipoen tijang berah (kapeksa berah) dipoensoekani épahani boten moerwat lan pendamelanipoen. Kadjawi ingkang kasboet nginggil, bendara boten kènging ngoentet blandjanipoen abdi, malah kala-kala kedah njोकani persèn.

2. Abdi kedah kaanggep sesamin-ingkang manoesga déning bendaranipoen; dados bendara boten kènging ngedir-ediraken diri. Kalih-kalihipoen poenika atoenggil Rama ing Swarga, lan sami déné toemitah mawi boedi. Bendara boten kènging dak wenang, ladjeng nganggep abdinipoen kados réntjang toembasan, malah kapara ngaosi kamanoengsanipoen. Abdi kedah kaoedi amrih willoedjengipoen, inggih menggahing badan, inggih menggahing soekma, poenapa malih kawadjabanipoen bendara inggih ndjagi sagedipoen abdi nglampahi ngibadah.

Anggènipoen njोकani pandamelan dateng abdi kedah ngèngeti kakijatatanipoen lan njोकani wedal kanggé ngaso. Manawi abdi pinoedjoe sakit bendara kedah ngoedi sagedipoen kaopakara saé; ing ngrikoe bendara saged ngatingalaken tresna lan asihipoen dateng abdi.

3. Abdi kedah kaanggep kados brajatipoen pijambak, boten namoeng kados tijang berah blaka; sebab abdi sampoen nama kadadosaken saatoenggal, nama kawengkoe pangagenging brajat, sanadjan sadjatosipoen déné anak oetawi premili. Mila bendara ladjeng kedah ngoelatoelataken abdinipoen; ngèngetaken samangsa abdi gadah tingkah ingkang kirang prajogi. Lan ing ngatasing abdi ingkang dèrèng ngoemoer, bendara poenika prasasat sesoelihipoen tijang sepoeh (bapa bisjoeng); bendara kedah njोकani pitedah lan toelada saé, soepados dados katja-benggala sinoedarsana ing sadaja para abdi.

Kawadjabanipoen abdi dateng bendara koela rembag dinten wingking.

A.

KOEROE SÈTRA.

NDÉJAN NÈH.

Temboeng ndéjan poenika sadèrèk ing Banjoemasan, mesti sampoen ngretos tegesipoen. Sareng koela maos Sw. Tm. nr. 5/31 Jan. 1930, reg. 1-2. (ing per. kabar oemoem Indonesia) ladjeng gedèg X 2. Lo, wiwit saprika doemoegi sapriki teka taksih wonten kabar GOROH. (dora) ingkang makaten poenika nama damel tjatjahing srira pribadi saha njlorèngi serat kabar ingkang ngemot.

Poenika kirang padamelan poenapa nijat kados-poendi. Jèn boten saged damel kabar njata, bok inggih aloewoeng poen gangsal BÈNGGOL poenika dipoenploengna ing gontèngan (TJÉLÉNGAN). Botenipoen ngaten bok kanggé toembas montor, apes angsal 13, tengah toegel. (Jèn noedjoe mirah kasapé manawi angsal 25-tengkel pandjangan). Kadahar sarwi kengkrang, njripit wédang tèh kentel, wah adoeh njamlengipoen, boten kawon kalijan roti dipoen-

smeer mertéga mawi dipoenwoerwoeri kèdjoe. Hahak, soenggoeh amat lezat, tjita rasanja, toemrap ingkang kresa poenika.

Jèn ingkang asoeng kabar waoe Correspondentipoen B.M. noen inggih Corr. lantjang toer katik wewah pintjang. (Ning boten pintjang soekoenipoen lo, jèn pintjang temenan, sampoen dados panggalih!) Ngawoer, atismak batok, mata mlorok ora kanggo ndedelok sing kékot mèlok goematok, troewatja kadi katjaa prik-sana.

Poenapa sababipoen Red. oetawi Hoofd-Red. wani (kresa) ngemotaken? Wangsoelanipoen: (manoet wasasan koela), awit boten mesti tjelak oetawi kempal noenggil kalijan poen GOROH waoe!

Saoepami koela dados Hoofd-Redacteur oetawi Redacteur jèn wonten Corr. GOROH, koela sirik selama hidoep. Nanging makaten poenika waoe noen inggih angèl, angèlipoen jèn mboenglon oetawi main soelap. Awit nadyan Hoofd-Red. oetawi Red. poenika sidik, rak limrahipoen boten pirsas sadèrèng winarah ta! Sidik dateng karangan, jèn sampoen wonten médja Red.

La, sapoenika koela pitakèn; „Nadyan kawoning kanda déning njata, poenapa poen GOROH waoe boten kènging (saged) ditoentoet dimoeke hakim?”

Ngemoedèni courant alijas dados Red. poenika dédé (boten) padamelan gampil. Boten kènging sijnangga miring antem krama kémawon apa adanja. Mangga karaosna ki Red. jèn atoer koela ngatjemong ngaja wara. Mila kedah awas, trampil, limpad spn.

Leres, kabar poenika nonsens omong kosong, tanpa njata; toemrap ingkang kataman saged (kènging) kaanggep raboek, boten badé ngganda kados sekar bangah, nanging malah damel ngambrat kados sekar mawar petak, nanging kémawon ingkang mandégani (ngemoedèni) B.M. poenapa boten saged akèn dateng poen poen GOROH waoe kapoerih mantoeni? tijang sampoen genah boten njata ngaten. (Dibotjahaké kaja sing doeroeng bisa sisi, aaahing wadih-wadjih-wa-). Njana-njana oetawi pandakwa ingkang boten maton tjeta, sok damel béka lan roebéda.”

POETOET NGÉNDRAKILA.

TANGGAP SABDA.

Maos oréan ing Sw. Tm. ngriki ingkang atjiri Arga Pontjol 16 Febr., koela (dongkolan Koelon Progoer) oegi roemaos ketaman. Sadèrèk!!! Mangga koela atoeri nggatosaken! Koela ndalang lampahan Koelon Progo. Toelada lan pakarjan.

Kjai dalang I. stichter lan ex voorzitter S. T. E. R. (Soetya Toehoe Èsti Rahajoe). pakemalanipoen para goeroe ing Wt. Koelon Progo inggih goeroe Katholik, Protestant lan para goeroe goepermèn.

II. Ngadegaken lan moelang Holl. Cursus kanggé para goeroe.

III. Toemoet damel lan moorzitteri comité uitvoering kanggé njokong Internaat Kopschool Wates, Tjong Hwa Kwik Kwan, lan kas Krida Oetama.

IV. Ngadegaken lan mangarsani P. N. S. Koelon Progo.

V. Ngadegaken pang P. G. H. B. Koelon Progo (Wt.).

VI. Damel Normaalleergang.

Margi pakarjan poenika njata damel aroeming sadèrèk Katholik ing Koelon Progo, langkoeng-langkoeng ing Wt. kala semanten.

K. W. sampoen katata saé, éntre lan contributie toemandja kanggé njekapaken Mis Soetji ing Wt. (Oebarampéning altar awarni wadiah sekar sasekaripoen, gelaran, K. W. Koelon Progo roemijin pantjèn dèrèng ngatingal ing djagad Arga Pontjol, djer betahing Missie Wt. kémawon ingkang perloe dipoen-wonteni sanalika dèrèng katjekap).

Pangroekti-laja kanggé para goeroe oemoem oegi gadah. Pangroekti-

laja kanggé gotrah Katholiek oegi sampoen gadah. Kekalihipoen sampoen tetoeloeng kala ingkang mbaoreksa Standaardschool kasipahan.

Toemandang dateng doesoen toemindak sanget, Penggoeng Pengasih enz. kerep koela saba sanadyan marginipoen roempil.

P. P. K. D. kala semanten saweg dados gagasan, dèrèng wonten madeg. Ribedipoen mbabad énggal priksa pijambak.

Mangga poenapa kirang actief, tijang satoenggal mangarsani 4 a 5 pakempalan boten sandé secrétaris oetawi penningmeester pakempalan sanèsipoen, apes commissaris. Ta koela oemoeki sapoenika!!

Déné sapoenika kénging sesakit mèndel lan boten actief déning satrija ing Arga Pontjol, mila boten wonten dokter ingkang saged paring oesada kedjawi sinatrija ing Arga Pontjol (jèn Pandjenenganipoen goeroe).

Mangga rak kersa ta?!

Poenapa pantjèn ngarah? soe-koer!!

Boten njata.

Sadèrèk. Mindaking djiwa Kath. ing Koelon Progo boten sakedik. Ing Plasa Grédjanipoen pendak Minggoe dinten Kemis lan Djoemoeah tamtoe wonten Mis Soetji. Ing Bara Koelon Progo kaadegan Grédja, pas-toeran, tjalon grija sakit, Zusteran.

Ing Sendang Sanga dipoendegi pepetan ing Lourdes, margi pamentangan.

Indaking pamoelangan Katholiek ing Koelon Progo boten sakedik. Boten kirang saking 12 pamoelang Standaard lan doesoen.

Poenika sadaja saking mèndel ning actief-ipoen para goeroe lan goeroe agami ing Koelon Progo katoentoen Pangénipoen.

Nata organisatie ing papan kados ngaten boten gampil sadèrèk. Koelon Progo golongan Kidoel ngawoela dateng bendara Ngajodja, lèr dateng Mendoet. Lèr sampoen sami nggeboer dateng P. P. K. D. Mendoet.

Sadèrèk!! Koelon Progo mèndel ning mèndel, meneng ning ngreggijeng. Ingkang kados njatanipoen. Sing soegih K. W. lan P. P. K. D. ning K. W. pista P. P. K. D. tembanan ja tanpa goena. Bengak-bengok ngiritiek, ning ora ana apa-apané, ja nul. Djangan banjak bitjara, jang perloe bekerdja, boeng!!

Mangga satrija ing Arga Pontjol koela atoeri toerné dateng Koelon Progo!! Njatakaken pijambak!!

gewezen Koelon Progoër
C. C. Si.

V A R I A.

MOEGI KAGALIHA.

Saja dangoe sadèrèk Kath. Djawi saja katah; pantji inggih makaten ingkang dipoensesoewoen, sageda soemarambah dateng poendi-poendi. Sasampoenipoen poenika, koela ladjeng manah sadèrèk ingkang kapeksa Desemberan oetawi Paskahan dateng sanès panggénan ingkang tebih, kabekta ing panggénanipoen boten wonten Grédjanipoen. Mitoeoet pé-tangan, sadèrèk ingkang makaten poenika inggih saja katah. Ingkang poenika poenapa boten prajogi manawi pakempalan kita K. W. menggalih bab poenika. Oepami K. W. ing Ambarawa, Semarang, Solo, oetawi sanèsipoen ingkang sakinten badé kanggé djoedjoegan, anchitjaraken grija pamondokan. Kanggénipoen ingkang sampoen kagoengan tepangan boten koela manah; balik ingkang boten kados-poendi. Badé dateng hotel, rekaos. Poenapa ladjeng boten Desemberan?

Prijantoen ingkang taksih lamban, boten sepintena. Tékad-tékadan pados panjipengan saenggen-énggen taksih loewesana. Nanging kanggénipoen ingkang sampoen gadah rajat; poenapa inggih nékad? Iba anggénipoen pating gren-dèl, mojang-mojong ngalèr ngidoel.

Sadjatosipoen koela kepéngin sanget; manawi ngadjengaken Decem-beran (Paskahan), ing Sw. T. wonten wara-wara:

Sadèrèk Kath. ingkang ngersakaken Desemberan (Paskahan) ing . . . lan betah pondokan; koela atoeri soeka soemerep dateng . . . ; sadèrèngipoen tanggal . . .

Atas namaning Comité pamondokan.

Tjobi dipoen-galih.

P. T. T.

OPVOEDING.

PANGLIMBANG.

Sambetipoen Sw. T. No. 9.

Ing wiwitan goeroe ingkang poenapa-poenapa apil, poenika oegi damel rantjangan. Amargi anggénipoen ngrantjag saéstoe, ngantos poenapa-poenapa saged apil. Ing wasanani-poen boten damel rantjangan, sampoen saged ngetakaken moelang kanti maremakan manah. Wondéné ingkang saweg kémawon nindakaken pakarjaning goeroe, ing mangka ladjeng badé tiroe-tiroe makaten,

tamtöe woelanganipoen boten saged katah wohipoen, sekedik toemandja-nipoen, kirang-kirang begdjanipoen boten dipoenpaéloe ing moerid, wa-sana andadosaken kapitoenanipoen pijambak.

Moerih indaking seserepan, saja baoet amboemboni prakawis-praka-wis ingkang kedah dipoenwedaraken ing ngadjengipoen moerid-moerid, preloe sanget teroes sinaoe. Mireng pamanggihipoen tijang sanès poenika kerep saged mandjagaken pama-nahan, lan andjembaraken wawasan. Jèn namoeng ngengkoki pamanggihi-ipoen pijambak tok, boten maéloe dateng pamanggihipoen sanès, poe-nika kénging dipoenwastani kirang pangatos-atos. Pamanggihipoen kedah kaseksékaken tijang sanès, sarana dipoentanding-tanding. Ma-nawi boten makaten saged kalam-pahan dipoenwastani ngenggèni le-resipoen pijambak, ingkang wasana-nipoen boten damel kabingahan, malah-malah saged manggih alangan, awit saking boten mékani prakawis warni-warni. Pramila andjembaraken kawroeh poenika kedah kaedi, awit poenika tjihtaning pangatos-atos.

Amboedi daja moerih gadah kapri-gelan toemrapping nindakaken pan-damelan, poenika toemrapping moelang moeroek laré prakawis preloe. Pam-boedi daja ingkang medal saking pangatos-atos, badé anggampilaken lampahing padamelan, ingkang ma-katen poenika pangoedinipoen boten namoeng tjepak sadinten kalih dinten, ananging teroes boten wonten pe-dotipoen. Sinten ingkang gadah kaprigelan, inggih ing bab solah tingkah, tandang tandoe, inggih ing bab pamitjara, poenika anggénipoen anggarap padamelanipoen toemin-dakipoen temtoe kanti seneng. Sinten ingkang boten seneng manawi ing dalem sament, amargi saking prigel-ipoen, saged moedjoedaken gambar tijang ingkang saé toer wangen. Sinten ingkang boten seneng saged medar ginem kanti trampil, widjang poenapa ingkang dipoentjarisaken? Wosipoen kaprigelan poenika ing bab samoe-kawis padamelan sasa-ged-saged saé kaedi, soepados wasa-nipoen saged seneng manahipoen, salebeting nindakaken pakarjanipoen, sarta katingal manawi boten esah ing pangatos-atos.

Kadjawi saking poenika waoe, preloe sanget goeroe poenika was-pada, ngatos-atos soepados sadaja poetoesanipoen boten mléntjeng saking ingkang leres, boten soela ja kalijan boedi wening. Mékani ing-kang dèrèng kelampahan, ngatos-atos menggah anggénipoen migoenakaken sarana-sarana, poenika preloe sanget, awit boten sadaja srana poenika sami saénipoen, sarta sami mikantoeki. Wonten kalanipoen srana saé kada-dosaniwon awon, awit saking lepat panganggénipoen. Soepados boten kedoewoeng ing tembéningpoen kedah nastiti, setiti ngati-ati, soegih wewéka ing salebetipoen nindakaken samoe-kawis padamelan.

Ambek adil.

Tindak ngadil poenika boten na-moeng toemrap tijang sanès, nanging inggih kanggénipoen badanipoen pi-jambak. Boten namoeng manawi matrapi paekoeman, oegi manawi ngalem oetawi anggegandjar. Oepa-mi padamelanipoen moerid awon, adilipoen kedah naliti roemijin poe-napa sampoen samadya menggah ing pamardinipoen, manawi sampoen saweg andawahaken poenapa poe-toesanipoen. Saeopami ladjeng nep-soe, ing mangka saéstoenipoen moerid dèrèng dipoenperdi temen-temen, nama ngadilipoen kirang, sarta moe-ringipoen waoe dèrèng kantenan saged ngidakaken saénning pada-melan.

Mitoeoet kaadilan ingkang toem-rap badanipoen pijambak, tijang dados panoetan, dados goeroe, dadi panggedé ing sadjroning pamoe-langan, boten kénging soepé oetawi ngliwawaken piwoelang ingkang dados kabetahanipoen ingkang di-poentoentoen. Manawi wonten pan-goedi soepados moerid-moerid sami nindakaken padamelanipoen kalijan saé, goeroe oegi sampoen samestipoen gadah pangodi soepa-dos piwoelangipoen wonten tandja-nipoen, manawi boten makaten temtoe nama njimpang saking tindak ngadil.

Manawi moerid-moerid dipoen-tamtokaken kedah sregep, poenapa boten sampoen samestipoen, ma-nawi goeroenipoen oegi toememen anggénipoen nindakaken koewadjib-anipoen. Saeopami kelampahan tijang sanès boten kénging kesed, ananging badanipoen pijambak toemindak na-moeng sasekétjanipoen kémawon, poenika oeger tijang mastani boten adil. Poenapa boten éman manawi moerid-moerid sami ketjelijk ing bab katemenaning goeroenipoen?

Ing ngatasipoen goeroe sampoen temtoe terang kajakinanipoen meng-gahing panggaohipoen kawroeh, kedah sregep, setiti, talatos sarta adjeg. Dados manawi laré-laré ang-

gènipoen sinaoe boten adjeg, sadin-ten sinaoe sadinten boten, sampoen tamtoe tjoemantèlipoen piwoelang kirang. Ingkang poenika goeroe anggénipoen nampèkaken piwoelang oegi kedah adjeg. Saeopami nglo-wongi boten moelang tanpa wonten sababipoen ingkang goematok, oetawi ngetjèh-etjèh wekdal, liripoen sale-beting moelang nandangi padamelan sanès ingkang dédé mestinipoen, andjalari boten tandjanipoen piwoe-lang, andjalari laré anggénipoen njamboet damel namoeng sasekétja-nipoen, kénging winastanan: „Gelem ora-ora.”

Menggah kemèren poenika oegi andjalari wontenipoen tindak ingkang boten adil. Sagedipoen adil kémawon kados-poendi, djalaren mèri poenika lahiring boten senengipoen manawi kantjanipoen kelerasan lampahipoen, boten remen manawi tijang sanès manggih kabegdjan. Sampoen terang manawi mèri poenika moeroegaken boten djoedjoer, sarta andjalari di-poen-getingi ing sanès. Sasampoen-ipoen gadah tindak njingkiri kemèren, prajoginipoen kedah ngombjoni lampah ingkang leres netepi ang-gering lampah ngadil. Sadaja tindak ingkang leres sarta lepat poenika sampoen ambekta gandjaran oetawi siksa pijambak-pijambak. Dados manawi ingkang saé dipoenalem lan ingkang awon dipoentjatjad, nganggé ngémoeti waton doegi lan prajogi, poenika boten mléntjeng saking ka-adilan. Pangalem lan panatjad, ma-nawi anggénipoen nindakaken nga-rah-arah sarta ngertos tanggoeh, saged damel indaking saénipoen toentoenan. Nanging ing saloegoen-ipoen goeroe ingkang santosa té-kadipoen, ngatos-atos sarta adil, ingkang tamtoe boten kerep ngoe-koem, awit laré-laré ratjakipoen sami ambangoen mitoeoet, sami adjrih asih. Éwadéné boten wonten awonipoen andawahaken paekoem-an, manawi sampoen samestipoen. Sanadyan goeroe poenika ngloeng-

VAN LITH-STICHTING.

POENAPA PAN-DJENENGAN SAM-POEN AMBAJAR CONTRIBUTIE

V. L. S.

Pangreh V. L. S.

Bijz. H. I. S. MAGELANG.

goehi kaadilan, éwasamanten ang-génipoen andawahaken kalerasan bo-ten prajogi nganggé sarana nangani. Ingkang makaten poenika, kadjawi tijang sepoehipoen laré sami boten seneng, oegi gampil klintoe, teges-ipoen boboting paekoeman ladjeng langkoeng saking mestinipoen, andja-lari anggigah raosing manah ingkang kirang prajogi. Sakatahipoen ingkang andjagi soepados toemindak boten baekapiné, kedah émoet manawi adil poenika inggih toemrap badan-ipoen pijambak, inggih toemrap ing sanès. Goeroe poenika dipoenpitados ing saben tijang ingkang sami nji-naokaken anakipoen ing ngrikoe, sanadyan dèrèng mangertos ingkang dados gegémbolanipoen. Pinten-pinten katahipoen ingkang sami mratjajakaken moerba kalijan misésa anakipoen. Oepami ngantos goe-mloewèh, temtoe boten ngertos aosing badanipoen, boten adil inggih kanggé badanipoen pijambak, inggih toemrapipoen ingkang gadah kapi-tadosak. Manawi tijang-tijang sami ketjelijk, sinten ingkang kapitoenè? Boten sanès inggih badanipoen pijambak, awit badé kètjalan kapi-tadosan. Mila njata, boten adil saged damel gendra, saged ngawon-tenaken riribed warni-warni. Ko-sok-wangsoelipoen, kaadilan andja-lari tentrem. Wondéné katentremen poenika badé lestantoen samangsa sami saged ambédakaken ingkang preloe lan ingkang boten.

Kasantosan.

Santosa ing tékad poenika praka-wis ingkang preloe, déné santosaning badan poenika oegi boten kénging dipoen-anggep sepelè. Sinten ingkang boten seneng bagas kasarasan badanipoen? Wontenipoen ing sa-kolahan-sakolahan dipoenwonteni woelangan gladi, poenika antjasipoen boten sanès inggih ngoedi kasarasan. Samangsa moerid sami sakiten, mo-ka sagedipoen tampi piwoelang ka-dos samestipoen. Sampoen wadjibi-poen goeroe ingkang dipoenpasrahi woelangan gladi, salebetipoen nin-

„BOTEN LERES.”

Boten soesah koela kodjahaken, para maos sampoen sami genah tandanging para wanita Indonesjah, anggénip sami ngajak wewenang nginggahaken dradjadipoen, ngin-dakaken karaatipoen.

Mas „Patjar” boten kirang ke-rep njlomprèti para boten ngaosi dat dradjating wanita, kaanggep kados déné barang radjadarbé, ma-katen oegi P.P.I. wiwit tjenta-tjénté moerih itjaling tindak makaten.

Djedoe! . . . ! nembé mangké: Santri Djamsarèn wonten ing S.R.I. 5-2-’30 ngetoeoes, mrada, nrètès, ngronjok inten polygamie. Bo-ten perloe pandjang-pandjang, di-poentingali, wontening: lelampahan ing donja — ing maskapé gesang sesarengan, kempal tepangning ma-roe — anakipoen, sadèrèkipoen ba-rang poenika, sampoen tjeta wéla-wéla bilih andadaki kisroehing ge-sang sesarengan.

Mottonipoen: Apabila polygamie itoe ditinggal dan monogamie itoe didjalankan dengan seke-ras-kerasnja — moral manoesia akan roesak. Dan apa bila po-lygamie itoe didjalankan dengan sekeras-kerasnja menoeoet tjara Bahagia oleh marika itoe adanja. (Marsy).

Poenika lo ingkang dipoenantepe nanging amit mas, bok mirsani tjang wajoeh-wajoeh nika !!! dos-poendil!

Poen santri, jakin ngantepe, bilih: tjang émah-émah poenika perloe-nipoen boten wonten sanès kedjawi: ngadjengaken wontening golongan kalih poenika: prija lan wanita.

„Djadi perhoeboengannja antara lelaki dan perempuan itoe ta’ lain akan mengekalkan kedoea fehak.”

Dados namoeng kaperloean donja, kaperloean dateng Pangéran kada-wahaken no. 2 oetawi poenapa bo-ten wonten . . . ? djer boten ma-gepokan . . . ?

Barang ingkang ngojak kaperloean donja poenika inggih barang donja, kadonjan — sanès: rohani — boten soetji — dados sesémahan ingkang namoeng perloe makaten, ngantos dipoenrentjangi wajoeh 3 4 lsp. inggih nama lampah donja — kado-njan — dédé rohani — boten soetji — lepat!! Mas santri mendet oeng-el-oengelan: Dan apabila seki-ranja kamoe takoeit tida’ adinja didalam orang-orangjatim, nikahlah siapatah jang kamoe maoei dari orang-orang perempuan itoe 2 2 atau 3 3 atau 4 4 maka kamoe takoeit kalau-kalau tidak adil, satoe sadjalah! Poenapa oeng-el-oengelan poenika dawoehing Allah? Iiiiiiiiijaaaaaaaaaaaak!! Goesti Allah dawoeh kok djanggalan, njekarep marang manoengsa. Manoengsa poenika rak moeloeng dateng piawon, lo kok disekarep, apa Goesti Allah dipa-dakaké wong bodo? Ngadat tjang poenika jèn dipoensekadjeng, milih ingkang sekétja. Pantjèn si boedi ngandani: ikoe ora adil, hawa-nep-soenè mangsoeli: ah, adil waé! Ma-katena, jèn tjang miskin sagedipoen namoeng asémah satoenggal, djer sanadjan ageng hawa-nepsoenipoen, tjang boten gadah jatra. Toemrap tjang soegih, sanadjan osiking batos

moengel: „adja wajoeh moendak ora adil” inggih meksa dipoenté-kadi, kabekta saking hawa-nepsoe, mangka saged mbajar.

Wajoeh poenika sanadjana Goesti Allah boten ngawisi, inggih mokal sagedipoen adil. Sémah sekawan temtoe béda-béda, wonten ingkang nèm, wonten ingkang noeroetan lsp. Poenapa katresnaning djaler saged sami (adil)? Mokall!

Oepami Goesti Allah ngiliani wajoeh, poenapaa Bapa Adam roe-mijin boten kadawoehan wajoeh? Mangka jèn manoe pamanggihing tjang „prajogi wajoeh” sebab ka-pangandikanan „Bebranaha”. Bapa Adam boten dipoenparingi sémah katah, dados tetéla jèn wajoeh poe-nika dédé karsaning Allah. Ingkang ngwontenaken pranatan wajoeh poenika manoengsa pijambak.

Mas Santri santon salaga, nje-babaken manoe kawontenan, i. p. tjang èstri tjatjahipoen nglangko-angi tjang djaler — tenaan . . . ? poendi pratèlanipoen . . . ?

Oepami ing satoenggiling pang-génan tjangipoen djaler 600, tjang-ipoen èstri 700. Poenapa ladjeng kedal moengel: „Jèn ngono koedoe ana sing wajoeh.” Poenika klintoe, djer tjang samanten waoe boten sadaja diwasa, wonten ingkang tak-sih baji, wonten ingkang pikoèn, éwah lsp. Kedjawi poenika wonten ingkang pedjah taksih nèm poenapa, ngantos wekasaniwon jèn tjang nindakaken monogamie saged ke-lampahan. Goesti Allah ingkang ngersakaken monogamie, boten ki-rang sarana anggénipoen njami tja-tjahing djaler lan èstri.

Malih: tjang tanpa wengkoe — ladjeng dipoenwengkoe, sarana di-poenwajoeh, temtoe seneng margi gadah sémah, gèk mangké soegih poenapa boten damel saé lah dalah rak makaten malih?, rak barang donja malih kasenangan kado-njan malih ? dados kasene-ngan poenika, poenika ta ! andak temtoe seneng? tanggel . . . ? toer, andak kasenangan rohani? saged njelakaken lan Pangéran . . . ? Malih, mas Djamsarèn an-doemoek awoning moeraal Europa déning toemindakipoen monogamie. Jèn kados ingkang koela terangkan ing nggigil, monogamie poenika saking karsanipoen Goesti Allah (N.B. èngeta dateng Bapa Adam lan Iboe Kawa, djaler satoenggal, èstri satoenggal), dados tetéla jèn awoning Europa poenika boten sa-king monogamie. Tjyang ingkang wajoeh mastani Europa awon poe-nika margi boten ngroemaosi ba-danipoen pijambak. Jèn Goesti Allah ngarsakaken monogamie, dados po-lygamie (wajoeh) poenika toemrap-ipoen Goesti Allah inggih awon, namoeng toemrap ingkang wajoeh roemaosipoen saé, inggih kabekta saking hawa-nepsoe.

Mas santri ngekahi polygamie poenika manoe wewatoning boedi poenapa kabekta saking hawa-nep-soe? Mangga prakawis poenika ka-manaha.

TJANTRIK-kebonsarèn.

Badé kasambet.

Taklim: PATIAR MÉRAH.

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,

dengan bawa lembaran
Swara Tama
dapat **POTONGAN.**

PAKOLÈH TOER LOEWESAN
SAË TOEWIN AWÉT
INGGIH NAMOENG
MERK GAZELLE
INGKANG AWOEDJOED
ALCYON }
DUNLOP } RIJWIELEN
R. I. W.

Nitjil kènging! – Kentjèng soekoer!

GAZELLE HUIS – ROEMAH GIDANG
MALIOBORO – DJOKJA – TELF. 508.

KALAU BELI OBAT - OBAT

DJOKJA **DJOKJA**

memang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO „RATHKAMP” MALIOBORO

soedah terkenal berapa banyak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA „RATHKAMP” DJOKJA

tangoeng beli jang paling baik.
Djaga tjap „RATHKAMP”
dan „ERCEE”

DJANGAN TERIMA BARANG JANG BARANGKALI KOERANG BAIK.

R. C. HARDJASOEDALSA

ONDERW. INL. SCHOOL

KL. II. No. 2.

TE

W L I N G I.

Toko DJOEN & Co., Djocja.
PATJINAN MOEKA TOKO FUJI — TELF: No. 374.

Adres jang paling moerah dan paling baik
boewat pembikinannya.

**ROTIE-ROTIE, KOEWEE-KOEWEE dan
BESCHUIT-BESCHUIT KERING.**

**SROETOE-SROETOE dan ROKOK-
ROKOK, jang haloes dan kasar.**

Djoega slamanja djangan loepa minoem kita
poenja KOFFIE BOEBOOK, jang speciaal die
giling dengan machine Electrics, bisa giling aloes
dan kasar, menoeroet pembelie poenja perminta'an
die tanggoeng sampee menjenengken, harga per
pond f 0.90.
Boli dateng saksiken!

Memoedjiken dengan hormat
Toko DJOEN & Co.

**TOKO BARANG-BARANG
H. SPIEGEL — Djokja.**

ADRES JANG PALING BAIK, boeat:

Eetserviezen — Theeserviezen: f 5,75.
Perkakas dari gelas, dan perkakas dapoer;
Kereta dan korsi boeat anak - anak;
Tempat tidoer, lampoe gasoline, dan
— permainan boeat anak - anak ketjil. —

**Semoea barang paling djempol, dan
moerah sekali!**

Tjat gilap A. dari **FRIELING.**

Boeat loear dan dalam, teroes bisa dipakai.

dalam blik netto 10	5	2 1/2	1	1/2 kilo;
satoe blik	10,50	5,50	3	1,30 0,75 roepiah

Tjat gilap B, —

boeat loear dan dalam, teroes bisa dipakai,

satoe blik netto 10 Kilo	f 8,50
satoe blik netto 5 Kilo	f 4,50

Pabrik tjat R. B. FRIELING.
GONDHOMANAN 80 — DJOKJA — Telefoon 784.

R. I. P.

+

Dengan berdoeka tjita kami atoe bertahoe pada sekalian saudara dan toean-toean handai
taulan kami, bahwa kami poenja anak kekasih jang no. 1 bernama R. SOETOPPO ketika hari Selasa
25 Februari 1930, djam 3 siang telah meninggal doenia.

Dengan perantaraan ini kami mengoetjap dan mengatoerkan beriboe-riboe banjak terima kasih
kepada semoea beliau jang terseboet dibawah ini:

1. P. T. Pastoor L. Rijckevorsel Rector Ambarawa dan P. T. de Kuyper Semarang, jang telah
memperloeken dateng diroemah kami waktoe meninggalnja itoe anak, dan pada P. T. Pastoor de
Kuyper Moeda di Ambarawa, jang telah menjembahjanken boeat djiwanja itoe anak.
2. P. T. Albert Bos, Administrateur dari Sigarettenfabriek H. D. Mac Gillavry Djatiroenggo, jang
telah memberi pertoeoengan dengan tjoekoop boeat mengoeboernja kami poenja anak, dan beliau
dengan ridla hati soeka boeang tempo goena menganterken lajonnja kami poenja anak dari Djati
roenggo sampai di Kerkhof Ambarawa.
3. Kepada Bestuur dan leden Pangroekti Lojo, jang telah labet baee soekoe boeat djadinja
koeboeran; dan mengatoer goena oepatjaranja mengoeboer sampai habis.
4. Kepada sekalian prijaji Kakoeng Poeteri di Ambarawa dan dari Djatiroenggo jang dengan
ridla hati telah soeka boeang tempo boeat menghormati mengoeboernja kami poenja anak jangterseboet.

Kami orang toeanja berdoeka tjita **P. Soetoro** dengan **Kasijati**.

Toeroet berdoeka tjita:
M. J. Soeprapdi dengan familie. **A. J. Koesnin. J. Koesnoen.**

Sedjanipoen badé ngwontenaken
burgemeester bangsa Priboemi.
Nanging burgemeester poenika wa-
oe taksih kabawah burgemeester
bangsa Éropah.

**Kawangsoelaken dateng
tanah Djawi.**

Sasampoenipoen kapriksa taliti,
wonten tijang boettjalaran ing Digoel
sawatawis ingkang saged kawang-
soelaken dateng tanah Djawi. Ma-
noet pamirengipoen *Java Bode* bok-
manawi kémawon ing tengah-tengah-
aning tawon poenika wonten tijang
boettjalaran Digoel 30, ingkang ka-
wangsoelaken dateng siti kalahiran-
ipoen.

Bandjir ageng.

Margi bendoengan ing Kadawoeng
salebetipoen minggoe kapengker
bedah, tanah Batoe Djaja ing Kra-
wang Lèr kaleban toja. Taneman
pantoen kalih dasa baee risak.

Wonten grijanipoen tijang boemi
tiga risak inggih margi toja.

Gerah sanget.

Mr. J. K. Onnen tilas pokrol-Djén-
dral gerah sanget. Saking pamrajogi-
nipoen dokter soepados éngal-éng-
galan kondoer dateng nagari Walandi.

Sasakit tjatjar.

Ing Menado kawatrosaken kam-
bah sasakit tjatjar. Salebetipoen
minggoe kapengker ingkang kataman
sasakit waoe wonten tijang tigang da-
sa. Tijang samanten poenika ingkang
doemoegi tiwas wonten satoenggal.
Saladjengipoen sami karékadaja sam-
poen ngantos sasakit waoe kaladjeng
toelar temoelar.

Volkshuisvesting Betawi.

Sakedap malih N. V. Volkshuis-
vesting ing Betawi wiwit anggarap
damel grija séwan (témboek, sakamar)
katahpoen 88 woewoeng doemoen-
oeng wonten kampoeng Leksa
Betawi. Semanten oegi inggih badé
toemoenten damel grija séwan 16

woewoeng manggèn ing kampoeng
Menteng Poelo séwan f 34,50.

Poenale Sanctie.

Kala Tweede Kamer ngladjengaken
ngrembag begrooting Indonésijah,
Minister Djadjahan mratélakaken
bilih poenale sanctie kanggé wekdal
sapoenika taksih dèrèng saged kaso-
wak.

Tjandoe peteng.

Dèrèng dangoe poenika resisir-
apjoen ing Betawi ngonangi tijang
Tionghoa ambekta tjandoe peteng
pengaos f1500. Tionghoa waoe di-
poentjepeng, apjoenipoen karampas.

Balapan kapal.

„Het Paardensportblad” njarijos-
aken bilih balapan kapal katetèpaken
wonten Semarang tanggal 27 lan
28 September: Soerakarta 18, lan 19
October: Ngajogjakarta 1, lan 2 No-
vember; Betawi 15 lan 16 November.

**Poetri Joelianah dateng
Indonésijah?**

S. k. *Het Vaderland* mireng bilih
poetri Juliana poetri dalem S. M.
R. Wilhelminah mbéndjing - mbén-
djing badé ngrawoehi tanah Indo-
nesijah. Nanging serat kabar waoe
inggih dèrèng saged mestèkaken
njata-botenipoen.

Koeli nglawan pangageng.

Aneta saking Medan tanggal 15
Februari martosaken bilih ing on-
derneming Poeloe Ajam wonten koeli
asli saking tanah Djawi badé am-
batjok assistent kebon, nanging di-
poensapih mandoripoen. Ingkang
dados sabab margi katjentok ang-
gènipoen njamboet damel. Koeli
poenika waoe dipoentjepeng poelisi.

Semanten oegi ing onderneming
Soengai Dadap inggih wonten koeli
badé nglawan mandoripoen, nanging
saged kasapih kantjanipoen koeli
sanès. Ingkang dados sabab margi
kaengetaken anggènipoen boten ma-
lebet njamboet damel.

Kasangsaran dipoensidem.

Dèrèng dangoe ing panggilangan
pantoen ing Tijpinang Cornelis
wonten koeli ketjepit vrachtauto
kalijan grobag (wagen) ingkang
kagandèngaken angsal vrachtauto
waoe. Koeli waoe ladjeng kémawon
kaantoeaken dateng grijanipoen,
boten kalapoeraken dateng kapoeli-
sèn. Let kalih dinten, pedjah, Sareng
makaten pawartos bab kasangsaran
waoe ladjeng kapireng mrika-mriki.
Poelisi nindakaken paniti priksa.
Mangka saoepami ladjeng kalapoer-
aken, bokmanawi tijang waoe taksih
raged dipoenpitoeloengi. (M a t a -
r a m).

**Kondoer dateng Indonesia
malih.**

Toewan A. B. ten Berge warga
gedelegeerde Raad Kawoela ingkang
sapoenika wonten nagari Walandi,
béndjing 7 Maart badé mriki malih,
nitih baita Grotius.

MANTJA NAGARI.

RERESAH ING INDO CHINA.

Pawartos resesah ing Indo China
poenika ingkang langkoeng tjeta
manoet serat-serat kabar ingkang
saking Shaigon makaten ringkes-
ipoen:

Sadèrèngipoen wonten gégèran
kala woelan kapengker, paréntah
Parangakik pantjen sampoen gadah-
raos njamaraken ébah-ébahon ka-
bangsan, poenika margi katitik sa-
king: 1. wonten ambtenaar - nagari
dipoenpedjahi; (toewan M. Bazin);
lan wonten malih magistraat M. Ma-
dailat inggih badé pinardjaja déning
tetijang ingkang kininten dados war-
ganing pakempalan abrit. 2. Bedil-
bedil, lan obat-obat katah ingkang
itjal. 3. Brontakipoen tawanan po-
litiek ing sisih Kidoel. 4. Gégèran

alit-alitan sakedap, ing Cochin China
kala zomer ingkang kapengker. 5.
Mandjer bandera kabangsan, poe-
napadéné glagat-glagat mengsah
Nagari, kala woelan Mei taoen ka-
pengker.

Katjarijosaken, ing ngrikoe wonten
pakempalan sakawan ingkang se-
dyanipoen badé brontak. Pangan-
djoering pakempalan waoe tansah
sasambetan kalijan djempol-djempol
ing nagari Tionghok. Paréntah njoe-
merepi prakawis poenika. Mila ing
salebetipoen sawatawis woelan ing
sa Indo China boten kirang saking
tijang 2000 ingkang katjepengan.

Kala 3 Febr. ing onderneming Mi-
chelin ing Phu - Rieng, wonten koeli
pedjah. Sadaja koeli ingkang toenggil
sadoesoen kalijan koeli ingkang pe-
djah, sami neda liboer badé ngoen-
tabaken lajon. Paneda waoe boten
angsal... Ewadéné sami nékad.
Poelisi nindakaken paniti priksa sin-
ten ingkang ngodjok-odjoki makaten
poenika. Éndjingipoen poelisi badé
ambekta tijang ingkang katahan.
Nanging koeli 1300 sami boten ang-
sal, lan tandoekipoen kadoek wani.
Ing dinten waoe boten wonten koeli
ingkang poeroen njamboet damel.

Rebo éndjing sami poeroen njam-
boet damel. Sareng sijang poelisi
sawatawis dateng, anglempakaken
koeli 1300 waoe badé njepeng tijang
ingkang moeroegaken damel boten
saé. Nanging koeli-koeli sadaja ange-
kahi. Malah koeli-koeli waoe ladjeng
mentoengi, mbentoeri sèla golongan
poelisi, ngantos wonten agèn kalih
ketaton. Ngadjengaken wantji éndjing
onderneming kadatengan poelisi sa-
king Saigon, Cholon, Bienhoa, Thu-
daumot sami asikep dadamel, nje-
pengi tetijang ingkang kamanah lepat.
Kala samanten boten poenapa-poe-
napa déning koeli-koeli sami adrijhi
sendjatanipoen poelisi. Tanggal 10

Febr. wonten koeli 20 sawegpoe-
roen wiwit njamboet damel. Paprik-
sanipoen poelisi saged njoemerepi
ing onderneming ngrikoe wonten
kas winados. Saben koeli satoeng-
gal nglebeti saesèn sadinten. Ingkang
njepeng kas waoe salah satoenggil-
ing mandor agèn Moskou.... Sa-
reng koeli-koeli sami bergerak poen
mandor ngitjal tanpa prasaben poe-
napa-poenapa.

Kadjawi ing nginggil saged ka-
soemerepan ing provincie Kien An
poelisi manggih bom 150 kapendem
wonten sabin. Tetijang prov. Kien
An katah ingkang dipoentjepengi.
Semanten oegi ing kiwa-tengen-
ipoen Hanoy inggih katah bom pi-
nanggihi. Pangintenipoen tetijang,
poenika kalebetaken saking nagari
Tionghok medal tapel wates.

Sasampoenipoen wonten lalam-
pahan ing nginggil poenapa poenika,
ladjeng kala malem tanggal 10 Febr.
wonten ontran-ontran kados ingkang
sampoen kawatrosaken wonten ngri-
ki. Wadyabala bangsa Tonkin 200
kabantoe tijang kominis Priboemi
nenem, djam 2 éndjing ngrabasa bè-
tèng Yen Bai. Ingkang pedjah kaptin
Jourdan, litnan Robert, adjoedan
Cuneo sersan Damour lan Chevalier,
adjoedan Troteaux. Golongan kra-
man inggih katah ingkang tiwas,
lan loemadjeng sandjata-sandjata
lan mimis. Toenggil wekdal kalijan
ing Yen Bay padjagèn poelisi ing
Hung Hoa dipoentempoeh tijang
kalih dasa, nanging tetijang 20 poe-
nika waoe ladjeng sami loemadjeng
andelik.

Tanggal 10 Febr. sonten ing Hanoy
kapireng soewantenipoen bom lan
pistoel.

Wonten tijang sami noempak se-
pédah mistoeli agèn - agèn ladjeng
sami loemadjeng.

Katah tijang sami dipoentahan.—